



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 138. An, quando, & quale peccatum committant, qui sponsalia de
præsente seu Matrimonium contrahunt ante pubertatem.

[urn:nbn:de:hbz:466:1-73973](#)

contrahentibus matrimonium incumbita onus probandi, se habuisse tempore contractus dictas qualitates, ut pote quæ ante pubertatem non præsumuntur, nimisimum se matrimonii onera recte percepisse (hoc enim venit nomine discretionis & prudentiæ, cuius fit mentio c. fin. b. t.) ac insuper se habuisse potentiam illam (quæ probatur per copulam, cum feminis effusione aliqua signa iudicio Medicorum examinata) alias matrimonium illorum declarandum nullum. Porro proximi pubertati dicuntur secundum aliquos, quibus duo vel tres anni deficiunt, secundum alios, quibus defunt 6. menses, secundum alios, quibus deficit annus; quod ultimum verius censet Castrop. l. c. n. 3. Alii id Judicis arbitrio relinquendum, ut Corrad. l. 4. dispens. Apost. c. 3. à n. 2. Arg. l. 1. ff. de jure deliberandi. Et quamvis aliqui pubertatem non ex annis estimant, illumque masculum puberem dicant, qui annum 14. implevit, eti tardius pubescat; certum tamen esse ait Pith. l. c. illum puberem esse, qui ex habitu corporis pubertatem ostendit, & generare jam potest; unde alia est pubertas naturalis, alia legalis.

Quæst. 138. An, quando & quale peccatum committant, qui Sponsalia de praesente seu matrimonium contrahant ante pubertatem.

R Esp. ante legitimam ætatem seu pubertatem contrahere matrimonium, esse peccatum, negat Sanch. l. 1. d. 17. § 1. 7. d. 104. eò quod illiusmodi matrimonia impuberum non valeant in vi matrimonii, sed tantum in vi Sponsalium; contrahere autem Sponsalia ante ætatem determinatam à iure matrimonio non sit peccatum. Textus vero, c. 2. b. t. districtius inhibens, ne aliqui ante ætatem determinatam conjugantur intelligendus non de coniunctione per contentum conjugalem, sed per carnalem copulationem; quam tamen interpretationem hujus textus non subsistere, patet ex eo, quod Papa ibi, dicat, coniunctionem illam concedi non posse nisi ex urgentissima causa; siquidem coniunctio per copulam carnalem, ne quidem ex urgentissima causa concedi potest. Verum contrarium, nimisimum, ubi ignoratur (idem est, ubi de hoc dubitatur, & à fortiore, ubi scitur contrarium) malitiam superare ætatem, contrahere matrimonium esse peccatum mortale; quia tales attinent inire statim ab Ecclesia reprobatum & districte prohibitum, tradunt Rebellus l. 4. q. 5. Ponc. l. 7. c. 65. n. 3. Castrop. num. 4. Pirh. l. c. Robert. König. b. t. n. 3. qui etiam vult committi grave Sacrilegium non fecus; ac si adulti cum impedimento ditimenter contraherent, vel ac si minister in aliis Sacramentis committeret talem defectum, ex quo Sacramentum redderetur invalidum; neque obstat ait, ejusmodi matrimonia habere dunxat rationem Sponsalium; cum hoc ipsum sit Sacrilegium, usurpare nimisimum materiam & formam Sacramenti; inde intendere Sacramentum perficere in talibus circumstantiis, ubi valere non potest ut matrimonium & Sacramentum, sed tantum, ut Sponsalia, quæ non sunt Sacramentum. Verum hæc ratio non usque adeo placet; quia tunc interrogatur irreverentia Sacramento, quando quis profert formam Sacramentalem super materia indebita; non vero quando ponit aliqua, quæ neque forma neque materia sunt Sacramenti, quæ est in præsenz contractus irritus, quem proinde

ponens non committit Sacrilegium irrogando irreverentiam Sacramento, ne patet in contractu matrimoniali metu extorto, & hinc irrito, etiam si ponatur animo se obligandi. De cætero hic notwithstanding, aliud esse, ignorare malitiam non superare ætatem, aliud ignorare legem inhibitent ne contrahatur ante pubertatem, nisi ubi adest dicta malitia, in quo secundo casu per accidens dicta ignorantia legis excusat à peccato; quod autem scientes nullitatem talis matrimonii nequeant efficaciter intendere matrimonium vel Sacramentum, non impedit, quod minus illud attentare possint, ac ita peccent.

Quæst. 139. An & quando Episcopus possit dispensare cum impuberibus, ut contrahere possint matrimonium.

R Esp. Dum adest urgentissima causa, posse ordinari dispensare cum impuberibus habentibus usum rationis (intellige ad obligandum se) ut matrimonium validè & licite contrahant, ait Castrop. n. 4. Sanch. l. 7. d. 104. num. 9. Hurtad. d. 22. diff. 12. in fine. Laym. l. c. Limitat hoc ipsum aliquantum Pirh. n. 33. nimisimum ut possit id ipsum Episcopum, dum adest iusta causa (cujus cognitio ad ipsum quoque spectat) quando impuberes sunt prope legitimam ætatem seu pubertatem, ut dubium sit, an malitia superet ætatem, valeatque tunc talis dispensatio pro utroque foro; siquidem, ut ait Barbos. ad c. 2. b. t. num. 5. § de pœn. Episc. alleg. 35. n. 20. cum in cit. c. 2. Pontifex dispensationem sibi non reservaverit, tacite eam Episcopis concessit.

Quæst. 140. An pubertate obtentia, nondum tamen obtentia potentia coundi seu generandi valeat matrimonium.

1. R Esp. Este invalidum matrimonium tale, eò quod dum contrahens ex defectu ætatis non habet potentiam generandi, non videtur habere ætatem requisitam ad matrimonium (intellige ad valorem illius) tenent quidam cum gl. in c. impuberes. b. t. v. tardissime. E contra valere illud, modo speretur successe temporis dictam potentiam habendam, probabilius affirmant Covar. l. c. num. 2. Sylv. v. matrimonium s. 9. 7. Mascal. de prob. concil. 889. n. 10. Sanch. l. 7. d. 104. n. 5. Gutt. c. 117. n. 1. Castrop. n. 5. Pirh. n. 35. Laym. l. c. siquidem dum adest legitima ætas, & de nullo impedimento perpetuo constat, tenet matrimonium, & certè alias sequetur, quod impotens ad copulam ob infirmitatem corporis non posset contrahere matrimonium, & non dari triennum ad experiendum, utrum impotentia illa sit temporalis an perpetua, sed continuò dissolvendum tale matrimonium, ut Castrop. textus vero c. puberes postular hanc potentiam ad valorem matrimonii in contrahentibus ante annos puberratis, non vero in contrahentibus completis istis annis. Porro tempus expeditandum ad experiendum, utrum impotentia sit perpetua, & ante quod dissolutio matrimonii peti non potest, est plena pubertas, nempe in mare annus 18. juxta l. abrogato. ff. de adoption. & §. minorem Inst. eod. in fæmina 14. l. mala. ff. de alimentis legat. sententia Covar. l. c. Sanch. num. 18. Gut. n. 1. Ponc. n. 1. Castrop. n. 7. Laym. l. c. n. 2. Pith. cit. n. 35. eò quod cum complexiones hominum sint diversæ, æquum non sit intentati dissolutionem matrimonii ob impotentiam, quousque